

## DE TEMTOASIE VAN T TUSVELD

(Boornse Sage; N.B. temtoasie = kwelling)

De weg van Boorn noar Boornebrook löp ounder de autobaan de A1 duur en den ounderduurgaank hebt ze TUSVELD neumt. Dit is nich zo mer vuur niks gebuurd want in de nōagte lig ne boerschop met n zölfdn naam.

t Tusveld gelegn tusken Boorn en Almelo hef ne luk meer as normale bevolkingsdichtheid. Nōast ne grote garage, n paar restaurants en luk kleane industrie bepoald de boerderiejn en gewone wonhuuz t anzeen. Nen grootn en nen kleanen es, rechts en links van de duurgoande stroat maakt disse boerschop compleet.

t Tusveld, ne boerschop in de gemeente Boorn dee nogal eens wōrdt vergetn en dat is in vroger tied bk al zo west. As ie t historisch bekiect hef t ok vroger nich vōl van betaansie (= van betekenis) west. N waapnfeit wat ie kōnt neumn is dat zich hier vroger de beade postweagn hebt kruust, now vergeliekbaar met knooppunt Azelo van de A1.

Der is weanig of gen geschiedkundige literatuur oaver de strek te vindn. Ene boerderiej koomp der vuur in de registers dee in de middeleeuwn bint anlegd, t is het "hoes Tushvelde", al neumt in 1262 en woarschienluk hef de strek doar now ok zienn naam an te daankn. De boerderiejn der umhen gelegn bint later vōlle van dit earf ofsplitt. Tushvelde is now erve Weerman.

Helemaal an disse strek veurbie goan is ok al zo wat, want t blik dat er bie de leu op t Tusveld oet oawerleaving n verhaal, zeg mer ne Sage, de rōnde dōt den menigeen tot an n dag van vandaag too opneij weer dōt gruweln en groezeln (= huiveren), tenminste as hee wōrdt vertōln.

Disse Sage, zich opspōllend binn de greanzn van de gemeente Boorn, is vuur mie ne anleiding west t Tusveld opneij ounder oenn andacht te brengn en oe te verzeukn zōlf eens n moal te goan kiekn, te lostern en oe te oavertuugn.

=====

Het mot meer as viefhonderd joar wedn ledn dat der op t hoes Tushvelde ne koppel deenstmann (= boeren die ruiterdiensten moesten verrichten voor hun landsheer) bie mekaar kwamn um te proatn oaver ne biezondere gewoarwōrding den een van ear har had.


Wat was t geval.

Den eenn was n daags doarvuur gangs west op n grootn es n stuk grond in cultuur te brengn doo de beade ossens, dee vuur de ploog wadn spann, midn op n es gungn stoan en met gen mōgge-

likheed meer veuroet te kriegen wadn. t Schoem stun ear um n bek en de oogn wadn wied los e-spert. De beest wadn bang, onwies bang.

Met völ meuite har hee ze luk achteroet kregen en bie ne neije kaans was de ploog vastloopt op nen onwiezn steen den net ounder t meaiveald van n es har zetn. n Deenstman har in n oavond tehoop met wat noabers probeerd disn steen oet te graavn en bie t blootlegen was ear direct opvöln dat disn veldkei nen voarm har van n gezicht en meer as nen meter in duursnee metn.

Bie wat van disse keerls gung bie disse gewaarwording n hartslag evn luk har noar boavn en bie aander brak n zweet oet. Toch hebt ze met mekaar n steen roundum oetgraavn en um good bekekn. Woarachtig t beeldn n gezicht oet, wat mosn ze doar met an. Beslöt n wördn um n kei luk deeper te loatn zakn, want der oetkriegen was duur t gewicht hoast nich möggelijk en de angst zat der ok wa luk in bie disse ontdekking, ounder de ground kon n kei weanig kwoads doon. Zo gebuurn t.



*t Tusveld, steen met t gezicht.*

Nog n zölfdn oavond wördn een van de oaldste noabers um road vrogd, dit um wat wiezer te wördn wat disn steen met zien gezicht kon beduudn. Tot eam schrik trök disn man, woarvan wördn vertöln dat hee wa 80 joar zol wedn, bie t anheurn van dit verhaal spierwit vot en hee har evn de tied nōarig um op verhaal te komn.

Wat was er nameluk an de haand.

Bie disn oaldn man kwam direkt weer dat verhaal noar boavn van n Ridder van n Houndnburg bie Zeandern, n verhaal dat vroger wördn vertöln round t losse veur duur de oaldste keerls en de jonge leu zoa n schrik op de hoed jagn dat ze met bevn en angst noar hoes hen löapn en achter elkn bos n spook zagn zitn. Hee har altied ziene twiefels had.

Disn Ridder har heel vroger doar leaft en in de nöagte völ roundtrökn met ziene vazaln en doarbie alles doan wat nich mooi was, roavn, braandstichtn, an vrouwleu hadn zee zich vergrepn en as der leu wadn dee zich weerdn dan wördn ze zounder pardon van kaant maakt. As Hendrik van t oale Stoveler t verhaal vertöl krieskn de wichter t oet van angst en de jongs höln eamgoastok luk stiever vast.

Now was t zo dat, zo gung t verhaal, dat disn Ridder nameluk vuur één ding onwies benauwd was, nameluk hee wus, t mos zölfs op n Houndnborg beschrevn stoa, dat der eargens round n Houndnborg nen steen mos wedn den nen God anduudn den t in de vroger tied doar vuur t zegn har. Now was t biezundere dat wel den steen vun zich vanof dat moment bezitter moch neum van n Houndnborg. De jongs en wichter wördn dan ok altied anroadn good oet te kiekn noar disn steen.

"En now is t zowiet", beslöt n oaldn noaber en hee gung vermeuit daal zitten.

De Deensmann, bie mekaar op t Weerman, gelöavn t verhaal umgeliëks (= vanzelfsprekend) en beslötatn doar gen grös oaver te loatn greuin. Der wördn plann maakt um de daad bie t woord te voogn en joarn laank wördn der pogingn doan um n Houndnborgn in bezit te kriegn. Oeteandeluk is t dan ok lukt en is t toökömn an n Bisschop van Utrecht, woarnoa t later wier in haandn is komn van Twickel. Vanof zo'n betke dee tied dat de deenstmann gangs gungn um n Houndnborg te veroveren wördn "t hoes Tushvelde" ok wal "t Deansman" neumt, wat later weer "t Weerman" is wördn...

Wat is der now zo biezunder an dit verhaal: now vuur n joar of wat is der achter de boerderiej van "Van de Wal" now bewoond duur Schabbink, directt rechts vuuran op t Tusveld, nen steen opgraavn den roond 1200 kg weug en dat is het biezundere, nen ofdruk dröag van n gezicht, tenminste as ie good kiekt!

Ie könt oe oavertuugn, n steen lig anno 1994 leenks nöast de boerderiej, in n kleen wearke dat deenst döt as ounderkomn vuur wat geitn en bök en disse deers broekt wouderwel disn steen as klimrots. Zee mosn eens weetn wat zich in vroger tied allemoal um disn kei met t gezicht of hef spölt.

Bert Wolbert.

Noabers haand mut oawer n toen rekn.